

## OFFERYNNAU STATUDOL CYMRU

## 2017 Rhif 642 (Cy. 148)

# HENEBION HYNAFOL, CYMRU

# Rheoliadau Henebion Hynafol (Ceisiadau am Gydsyniad Heneb Gofrestredig) (Cymru) 2017

<i>Gwnaed</i>	- - - - -	4 Mai 2017
<i>Gosodwyd gerbron Cynulliad</i>		
<i>Cenedlaethol Cymru</i>	- - -	8 Mai 2017
<i>Yn dod i rym</i>	- - -	31 Mai 2017

Mae Gweinidogion Cymru, drwy arfer y pwerau a roddir iddynt gan adrannau 2 a 60 o Ddeddf Henebion Hynafol ac Ardaloedd Archaeolegol 1979(1), ac Atodlen 1 iddi, a thrwy arfer y pwerau a roddir i'r Ysgrifennydd Gwladol gan adran 60 o'r Ddeddf honno ac Atodlen 1 iddi ac sy'n arferadwy bellach ganddynt hwy(2), yn gwneud y Rheoliadau a ganlyn:

## **Enwi, cychwyn a chymhwysod**

- 1.—(1) Enw'r Rheoliadau hyn yw Rheoliadau Henebion Hynafol (Ceisiadau am Gydsyniad Heneb Gofrestredig) (Cymru) 2017 a deuant i rym ar 31 Mai 2017.

(2) Mae'r Rheoliadau hyn yn gymwys o ran Cymru.

Dehongli

2. Yn y Rheoliadau hyn—  
ystyr “cais” (“*application*”) yw cais am gydsyniad heneb gofrestredig o dan adran 2 o’r Ddeddf;  
ystyr “ceisydd” (“*applicant*”) yw person sy’n gwneud cais, neu sydd wedi gwneud cais;  
ystyr “y Ddeddf” (“*the Act*”) yw Deddf Henebion Hynafol ac Ardaloedd Archaeolegol 1979.

(1) 1979 p. 46; diwygiwyd adran 2 ac Atodlen 1 gan adran 5(1) o **Ddeddf yr Amgylchedd Hanesyddol (Cymru) 2016** (dccc 4) ("Ddeddf 2016"). Diwygiwyd adran 60 gan adran 40(1) o Ddeddf 2016. Gwnaed diwygiadau eraill i adran 2 ac Atodlen 1 nad ydynt yn berthnasol i'r offeryn hwn.

(2) Trosglwyddwyd swyddogaethau Ysgrifennyd Gwladol i Gynulliad Cenedlaethol Cymru gan erthylg 2 o Orchymyn Cynulliad Cenedlaethol Cymru (Trosglwyddo Swyddogaethau) 1999 ([O.S. 1999/672](#)). Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o Ddeddf Llywodraeth Cymru [2006 \(p. 32\)](#), a pharagraffau 30 a 32 o Atodlen 11 iddi.

## Ceisiadau

3.—(1) Ac eithrio pan fo paragraff (2) yn gymwys a phan fo Gweinidogion Cymru yn arfer eu disgrifiwn o dan baragraff (3), rhaid i gais—

- (a) cael ei wneud yn ysgrifenedig yn y ffurf a gyhoeddir gan Weinidogion Cymru (neu ffurf sylweddol debyg ei heffaith);
- (b) cynnwys y manylion a bennir neu y cyfeirir atynt yn y ffurf;
- (c) datgan enw a chyfeiriad perchenog yr heneb gofrestredig(3), os nad y ceisydd yw'r perchenog;
- (d) datgan enw a chyfeiriad meddiannydd yr heneb, os nad y ceisydd yw'r meddiannydd; ac
- (e) dod gyda—
  - (i) plan neu luniad sy'n ddigonol i nodi'r darn o dir y mae'r gwaith yn ymwneud ag ef; a
  - (ii) unrhyw blaniau, lluniadau a gwybodaeth arall sy'n angenrheidiol i ddisgrifio'r gwaith ac effaith y gwaith ar yr heneb.

(2) Mae'r paragraff hwn yn gymwys i geisiadau mewn cysylltiad â gwaith sydd—

- (a) yn fân ei natur; a
- (b) at ddiben symud ymaith neu atgyweirio heneb gofrestredig neu unrhyw ran ohoni, neu at ddiben gwneud unrhyw newidiadau neu ychwanegiadau i'r heneb fel y cyfeirir ato yn adran 2(2)(b) o'r Ddeddf.

(3) Pan fo paragraff (2) yn gymwys, caniateir gwneud cais, yn ôl disgrifiwn Gweinidogion Cymru, heb fod yn unol â'r darpariaethau ym mharagraff (1).

(4) Mewn unrhyw achos, rhaid i'r ceisydd roi'r fath wybodaeth bellach i Weinidogion Cymru sy'n ofynnol ganddynt ar unrhyw adeg i'w galluogi i benderfynu ar y cais.

## Personau sydd i gael eu trin fel perchnogion henebion

4. Mewn perthynas ag unrhyw heneb, mae person i gael ei drin, at ddibenion paragraff 2 o Atodlen 1 i'r Ddeddf, fel perchenog yr heneb os y person, am y tro, yw perchenog ystad y ffi syml yn yr heneb neu os oes ganddo hawl i denantiaeth yr heneb a roddwyd neu a estynnwyd am dymor blynnyddoedd sicr nad oes llai na saith mlynedd ohono yn dal heb ddod i ben.

## Cydsyniad heneb gofrestredig

5. Pan fo Gweinidogion Cymru yn rhoi cydsyniad heneb gofrestredig(4), rhaid i'r cydsyniad—

- (a) cael ei roi yn ysgrifenedig; a
- (b) nodi unrhyw amodau y mae'r cydsyniad yn ddarostyngedig iddynt.

## Diwygiadau canlyniadol i Reoliadau Ceisiadau Trafnidiaeth a Gweithfeydd (Gweithdrefn Adeiladau Rhestredig, Ardaloedd Cadwraeth a Henebion Hynafol) 1992

6.—(1) Mae Rheoliadau Ceisiadau Trafnidiaeth a Gweithfeydd (Gweithdrefn Adeiladau Rhestredig, Ardaloedd Cadwraeth a Henebion Hynafol) 1992(5) wedi eu diwygio fel a ganlyn.

(2) Yn rheoliad 2 (dehongli) yn y lle priodol mewnosoder—

““the 2017 Regulations” means the Ancient Monuments (Applications for Scheduled Monument Consent) (Wales) Regulations 2017.”.

(3) *Gweler* adran 1(11) o'r Ddeddf am y diffiniad o "scheduled monument".

(4) *Gweler* adran 2(3)(a) o'r Ddeddf am y diffiniad o "scheduled monument consent".

(5) O.S. 1992/3138.

(3) Yn rheoliad 4(2), yn lle “and the Ancient Monuments Regulations” rhodder “, the Ancient Monuments Regulations and the 2017 Regulations”.

(4) Yn Atodlen 2—

- (a) ym mhennawd yr Atodlen, yn lle “and the Ancient Monuments Regulations”, rhodder “, the Ancient Monuments Regulations and the 2017 Regulations”; a
- (b) ar ôl paragraff 2, mewnosoder—

“3.—(1) The 2017 Regulations are modified as follows.

(2) For regulation 3(1)(e) substitute—

“(e) be accompanied by—

- (i) a plan identifying the monument to which the application relates;
- (ii) such other plans and drawings as are necessary to describe the works and which may include—
  - (aa) detailed plans, drawings and sections; or
  - (bb) extracts from the plans, drawings and sections submitted with the concurrent application; or
  - (cc) where no plans, drawings or sections have been prepared, a clear written description of the works supported by such other materials as the applicant is reasonably able to provide;
- (iii) a statement that the application is made for the purpose of proposals included in the concurrent application, which must give (where known) the date and reference number of the concurrent application.”

(3) After regulation 3(4) insert—

“(5) In this regulation, “concurrent application” has the meaning given by paragraph 2(4A) of Schedule 1 to the Act(6).”

(4) After regulation 3 insert—

### “Certificate

3A.—(1) A certificate which by virtue of paragraph 2(1)(aa) of Schedule 1 to the Act accompanies an application must be in the form set out in paragraph (2).

(2) The form of certificate is as follows—

---

(6) Ar gyfer paragraff 2(4A) gweler paragraff 1(4) o Atodlen 2 i O.S. 1992/3138.

Certificate in accordance with paragraph 2(1)(aa) of Schedule 1 to the 1979 Act

It is hereby certified—

(1) that the applicant has served, in accordance with rules made under section 6 of the Transport and Works Act 1992, all the notices required to be served upon the persons (other than the applicant) who were, at the beginning of the period of 28 days ending with the date of an application under section 6, owners of the monument;

(2) every such notice contains a statement that the accompanying application for scheduled monument consent has been made in respect of the monument.

Signature .....

Date .....

(5) For regulation 4 substitute—

“4. In relation to any monument, a person is to be treated for the purpose of paragraph 2 of Schedule 1 to the Act as the owner of the monument if the person, not being a mortgagee not in possession, is for the time being entitled to dispose of the fee simple of the monument (whether in possession or reversion) or is a person holding, or entitled to the rents and profits of the land under a lease or agreement the unexpired term of which exceeds three years.””

**Diwygiad canlyniadol i Reoliadau Datblygiadau o Arwyddocâd Cenedlaethol (Cymru) 2016**

7.—(1) Yn Rheoliadau Datblygiadau o Arwyddocâd Cenedlaethol (Cymru) 2016(7), yn lle paragraff 1(2)(b) o Atodlen 2, rhodder—

“(b) yr eitemau a restrir neu y cyfeirir atynt yn rheoliad 3(1) o Reoliadau Henebion Hynafol (Ceisiadau am Gydsyniad Heneb Gofrestredig) (Cymru) 2017.”

(2) Nid yw paragraff (1) yn gymwys mewn perthynas â chais am ganiatâd cynllunio a wneir o dan adran 62D o Ddeddf Cynllunio Gwlad a Thref 1990(8) cyn 31 Mai 2017.

**Dirymiadau a darpariaeth arbed**

8.—(1) Yn ddarostyngedig i baragraff (2), mae'r offerynnau a ganlyn wedi eu dirymu—

- (a) Rheoliadau Henebion Hynafol (Ceisiadau am Gydsyniad Heneb Gofrestredig) 1981(9), i'r graddau y maent yn gymwys o ran Cymru; a
- (b) Rheoliadau Henebion (Ceisiadau am Gydsyniad Heneb Gofrestredig) (Ffurflenni a Manylion Cymraeg) 2001(10).

(2) Mae'r Rheoliadau a grybwyllir ym mharagraff (1) yn parhau i gael effaith mewn perthynas â cheisiadau a wneir cyn 31 Mai 2017.

(7) O.S. 2016/56 (Cy. 26).

(8) 1990 p. 8. Mewnosodwyd adran 62D gan adran 19 o Ddeddf Cynllunio (Cymru) 2015 (decc 4).

(9) O.S. 1981/1301.

(10) O.S. 2001/1438 (Cy. 100).

4 Mai 2017

*Ken Skates*  
Ysgrifennydd y Cabinet dros yr Economi a'r  
Seilwaith, un o Weinidogion Cymru

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## NODYN ESBONIADOL

(*Nid yw'r nodyn hwn yn rhan o'r Rheoliadau*)

Mae'r Rheoliadau hyn yn gwneud darpariaeth ar gyfer ceisiadau am gydsyniad heneb gofrestredig, ac ar gyfer rhoi'r cydsyniad hwnnw, gan gynnwys gweithdrefn symlach ar gyfer gwneud ceisiadau.

Mae rheoliadau 3 i 5 yn gwneud darpariaeth ynghylch ceisiadau a'r ffurf a'r dull y rhoddir cydsyniad heneb gofrestredig ynddo gan Weinidogion Cymru.

Mae rheoliadau 6 a 7 yn gwneud diwygiadau canlyniadol i Reoliadau Ceisiadau Trafnidiaeth a Gweithfeydd (Gweithdrefn Adeiladau Rhedol, Ardaloedd Cadwraeth a Henebion Hynafol) 1992 a Rheoliadau Datblygiadau o Arwyddocâd Cenedlaethol (Cymru) 2016.

Mae rheoliad 8 yn dirymu Rheoliadau Henebion Hynafol (Ceisiadau am Gydsyniad Heneb Gofrestredig) 1981 o ran Cymru a Rheoliadau Henebion (Ceisiadau am Gydsyniad Heneb Gofrestredig) (Ffurflenni a Manylion Cymraeg) 2001 ac mae'n cynnwys darpariaeth arbed.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal Asesiad Effaith Rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Mae'r Asesiad Effaith a luniwyd ar gyfer Deddf yr Amgylchedd Hanesyddol (Cymru) 2016 yn berthnasol ac mae copïau ohono ar gael gan Wasanaethau'r Amgylchedd Hanesyddol (Cadw), Llywodraeth Cymru, Plas Carew, Caerdydd, CF15 7QQ ac ar wefan Llywodraeth Cymru ar [www.llyw.cymru](http://www.llyw.cymru).